

104

11. des.

## AUGLÝSING

um staðfesting forseta Íslands á breytingu á reglugerð  
fyrir Háskóla Íslands, nr. 47/1942.

Forseti Íslands hefur hinn 1. þ. m. samkvæmt tillögu menntamálaráðuneytisins fallist á svofellda breytingu á reglugerð fyrir Háskóla Íslands, nr. 47/1942.

## 1. gr.

Aftan við 51. gr. komi svofelld viðbót:

IV. Próf í íslenzku fyrir erlenda stúdenta: baccalaureatus philologiae Islandicae (bacc. philol. Isl.). Námsstími er áætlaður 4—6 kennslumisseri. Prófgreinar eru fjórar: Málfræði, þýðingar, bókmenntasaga og textaskýringar. Prófin skulu vera sex, þrjú skrifleg og þrjú munnleg.

Skrifleg próf: 1. málfræði, 2. þýðing úr íslenzku á móðurmál stúdentsins eða eitthvert heimsmál og úr því máli á íslenzku, 3. bókmenntasaga.

Munnleg próf: 1. málfræði, 2. bókmenntasaga, 3. textaskýringar.

Fyrir hvert próf skal gefin sérstök einkunn. Til þess að standast prófið þarf stúdentinn að hafa hlotið, auk tilskilinnar meðaltalseinkunnar (sbr. 45. gr.), hið lægsta einkunnina 5 í þýðingum.

Nánari reglur um námsefni setja kennararnir í íslenzkum fræðum.

Þetta birtist hér með öllum þeim, sem hlut eiga að máli.

*Í menntamálaráðuneytinu, 11. desember 1954.*

**Bjarni Benediktsson.**

*Jóhannes Eliasson.*

105

17. des.

## L Ö G

um breyting á tilskipun 9. maí 1855, sem lögleiðir á Íslandi,  
með nokkrum breytingum, lög 3. jan. 1851, um prentfrelsi.

## FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

## 1. gr.

1. gr. tilskipunarinnar orðist svo:

Sá, sem annast prentun rits hér á landi, skal á hverju eintaki ritsins geta nafns síns eða firma svo og prentunarstaðar. Með sama hætti skal útgefandi rits nafngreina sig í hverju eintaki þess.

## 2. gr.

2. gr. tilskipunarinnar orðist svo:

Nú er nafngreining samkvæmt 1. gr. vanrækt eða rangt skýrt frá nafni prentara, útgefanda eða prentunarstað, og varðar það þá sektum eða varðhaldi, ef miklar sakir eru.

Sömu refsingu skal sá sæta, sem hefur til sölu eða dreifingar rit, er skortir nafngreiningu samkvæmt 1. gr., eða veit, að rangt er skýrt frá þeim atriðum. 105  
17. des.

3. gr.

2. málsgrein 3. gr. tilskipunarinnar orðist svo:

Ef enginn slíkur höfundur hefur nafngreint sig, ber útgefandi rits ábyrgðina, því næst sá, er hefur ritið til sölu eða dreifingar, og loks sá, er annazt hefur prentun þess.

4. gr.

Lög þessi öðlast þegar gildi.

*Gjört í Reykjavík, 17. desember 1954.*

Ásgeir Ásgeirsson.

(L. S.)

Bjarni Benediktsson.

## L Ö G

106

um yfirstjórn mála á varnarsvæðunum o. fl.

17. des.

### FORSETI ÍSLANDS

*gjörir kunnugt:* Alþingi hefur fallizt á lög þessi og ég staðfest þau með samþykki mínu:

1. gr.

Nú leggja lög tiltekinn flokk mála til eins og sama ráðherra, og skal það ekki vera því til fyrirstöðu, að við skiptingu starfa með ráðherrum sé ráðherra þeim, sem falin er framkvæmd varnarsamnings milli Íslands og Bandaríkjanna, er lög-giltur var með lögum nr. 110/1951, fengin meðferð slíks málaflokks í lögsagnarum-dæmi Keflavíkurflugvallar og á öðrum landsvæðum, er varnarliðinu eru fengin til afnota á hverjum tíma. Slík heimild gildir um dómsmál, að því er varðar brot, sem framín eru á varnarsvæðunum.

2. gr.

Lög þessi öðlast þegar gildi.

*Gjört í Reykjavík, 17. desember 1954.*

Ásgeir Ásgeirsson.

(L. S.)

Ólafur Thors.